





第二五九册

四庫全書

● 上海古籍出版社

本冊目次

南
附考
齊

證書

梁蕭子顯撰……一
清王祖庚等撰

欽定四庫全書

南齊書序

南齊書八紀十一志四十列傳合五十九篇梁蕭子顯撰始江淹已為十志沈約又為齊紀而子顯自表武帝別為此書臣等因校正其訛謬而叙其篇目曰將以是非得失興壞理亂之故而為法戒則必得其所託而後能傳於久此史之所以作也然而所託不得其人則或失其意或亂其實或析理之不通或設辭之不善故雖

欽定四庫全書

南齊書

有殊功建德非常之跡將閭而不章鬱而不發而擣机鬼瑣姦回凶慝之形可幸而掩也嘗試論之古之所謂良史者其明必足以周萬事之理其道必足以適天下之用其智必足以通難知之意其文必足以發難顯之情然後其任可得而稱也何以知其然邪昔者唐虞有神明之性有微妙之德使由之者不能知知之者不能名以為治天下之本號令之所布法度之所設其言至約其體至備以為治天下之具而為二典者推而明之

欽定四庫全書

史部

南齊書

卷一 目錄

詳校官編修臣李潢

沈馬臣王坦修覆勘

覆校官編修臣汪鏞

校對官主事臣張培

臚錄舉人臣吳壽朋

所記者豈獨其跡邪并與其深微之意而傳之小大精粗無不盡也本末先後無不白也使誦其說者如出乎其時求其指者如即乎其人是可不謂明足以周萬事之理道足以適天下之用智足以通難知之意文足以發難顯之情者乎則方是之時豈特任政者皆天下之士哉蓋執簡操筆而隨者亦皆聖人之徒也兩漢以來為史者去之遠矣司馬遷從五帝三王既沒數千載之後秦火之餘因散絕殘脫之經以及傳記百家之說區

欽定四庫全書

南齊書

二

區撮拾以集著其善惡之跡興廢之端又創已意以為本紀世家八書列傳之文斯亦可謂奇矣然而蔽害天下之聖法是非顛倒而采摭謬亂者亦豈少哉是豈可不謂明不足以周萬事之理道不足以適天下之用智不足以通難知之意文不足以發難顯之情者乎夫自三代以後為史者如遷之文亦不可不謂雋偉拔出之材非常之士也然顧以謂明不足以周萬事之理道不足以適天下之用智不足以通難知之意文不足以發

難顯之情者何哉蓋聖賢之高致遠固有不能純達其情而見之於後者矣故不得而與之也遷之得失如此況其他邪至於宋齊梁陳後魏後周之書蓋無以議為也子顯之於斯文喜自馳騁其更改破析刻彫藻績之變尤多而其文益下豈夫材固不可以強而有邪數世之史既然故其事跡曖昧雖有隨世以就功名之君相與合謀之臣未有赫然得傾動天下之耳目播天下之口者也而一時偷奪傾危悖理反義之人亦幸而不暴

欽定四庫全書

南齊書

三

著於世豈非所託不得其人故邪可不惜哉蓋史者所以明夫治天下之道也故為之者亦必天下之材然後其任可得而稱也豈可忽哉豈可忽哉臣忤臣竇臣臣穆臣藻臣洙臣覺臣彥若臣鞏謹叙目錄昧死上

欽定四庫全書

史部一

南齊書目錄

正史類

卷一

顯撰

卷二

卷三

卷四

卷五

卷六

欽定四庫全書

南齊書目錄

南齊書卷一

本紀第六

欽定四庫全書

南齊書目錄

本紀第一

高帝上 姓蕭氏諱道成

明帝 諱鸞

南齊書卷七

南齊書卷二

本紀第二

東昏侯 諱寶卷

高帝下

南齊書卷三

南齊書卷八

本紀第三

武帝 諱順

南齊書卷九

南齊書卷四

本紀第四

鬱林王 諱昭業

南齊書卷五

本紀第五

海陵王 諱昭文

南齊書卷六

二

志第一

禮上

南齊書卷十

志第二

禮下

南齊書卷十一

志第三

樂

欽定四庫全書

南齊書
目錄

三

南齊書卷十二

志第四

天文上

南齊書卷十三

志第五

天文下

南齊書卷十四

志第六

州郡上

南齊書卷十五

志第七

州郡下

南齊書卷十六

志第八

百官

南齊書卷十七

欽定四庫全書

南齊書
目錄

四

志第九

輿服

南齊書卷十八

志第十

祥瑞

南齊書卷十九

志第十一

五行

南齊書卷二十

列傳第一

皇后

宣孝陳皇后

高昭劉皇后

武穆裴皇后

文安王皇后

鬱林王何妃

海陵王王妃

明敬劉皇后

東昏褚皇后

和帝王皇后

欽定四庫全書

南齊書
目錄

五

南齊書卷二十一

列傳第二

文惠太子

南齊書卷二十二

列傳第三

豫章文獻王嶷

南齊書卷二十三

列傳第四

褚淵淵弟澄
徐嗣

南齊書卷二十四

列傳第五

柳世隆

張瓌

南齊書卷二十五

列傳第六

垣崇祖

張敬兒

南齊書卷二十六

欽定四庫全書

南齊書
目錄

六

列傳第七

王敬則

陳顯達

南齊書卷二十七

列傳第八

劉懷珍

李安民

王玄載弟玄邈

南齊書卷二十八

列傳第九

崔祖思

劉善明

蘇侃

垣榮祖

南齊書卷二十九

列傳第十

呂安國 全景文

周山圖

周盤龍

王廣之

南齊書卷三十

列傳第十一

欽定四庫全書

南齊書目錄

七

薛淵

戴僧靜

栢康

焦度

曹虎

南齊書卷三十一

列傳第十二

江謐

荀伯玉

南齊書卷三十二

列傳第十三

王琨

張岱

褚炫

何戢

王延之

阮韜

南齊書卷三十三

列傳第十四

王僧虔

張緒

南齊書卷三十四

列傳第十五

欽定四庫全書

南齊書目錄

八

虞玩之

劉休

沈沖

庾杲之

王謏

南齊書卷三十五

列傳第十六

高祖十二王

臨川獻王映

長沙威王晃

武臨昭王畢

安成恭王暕

鄱陽王錡

桂陽王鐸

始興簡王鑑

江夏王鋒

南平王銳

宜都王銍

晉熙王鉉

河東王鉉

南齊書卷三十六

列傳第十七

謝超宗

劉詳

南齊書卷三十七

欽定四庫全書

南齊書
目錄

九

列傳第十八

劉撫

劉俊

虞悺

胡諧之

南齊書卷三十八

列傳第十九

蕭景先

蕭赤斧
子穎曹

南齊書卷三十九

列傳第二十

劉瓛弟璉

陸澄

南齊書卷四十

列傳第二十一

武帝十七王

竟陵文宣王子良子昭曹

廬陵王子卿

魚復侯子響

安陸王子敬

晉安王子懋

隨郡王子隆

建安王子真

欽定四庫全書

南齊書
目錄

十

西陽王子明

南海王子罕

巴陵王子倫

邵陵王子貞

臨賀王子岳

西陽王子文

衡陽王子峻

南康王子琳

湘東王子建

南郡王子夏

南齊書卷四十一

列傳第二十二

張融

周顒

南齊書卷四十二

列傳第二十三

王晏

蕭坦之

南齊書卷四十三

列傳第二十四

江數

謝瀹

欽定四庫全書

南齊書
目錄

南齊書卷四十四

列傳第二十五

徐孝嗣

南齊書卷四十五

列傳第二十六

宗室

衡陽元王道度

始安貞王道生

遙光
遙昌

安陸昭王緬

南齊書卷四十六

列傳第二十七

王秀之

蔡約

蕭惠基

南齊書卷四十七

列傳第二十八

欽定四庫全書

南齊書
目錄

王融

南齊書卷四十八

列傳第二十九

袁象

劉繪

南齊書卷四十九

列傳第三十

王奐

從弟續

謝朓

孔稚珪

張沖

陸慧曉
顧憲之

王慈

南齊書卷五十

列傳第三十一

文二王

巴陵王昭秀

桂陽王昭業

明七王

巴陵隱王寶義

江夏王寶玄

廬陵王寶源

鄱陽王寶寅

邵陵王寶攸

晉熙王寶嵩

欽定四庫全書

南齊書
目錄

桂陽王寶貞

南齊書卷五十一

列傳第三十二

裴叔業

崔慧景

張欣泰

南齊書卷五十二

列傳第三十三

文學

丘靈鞠

檀超

卞彬

丘巨源

王智深

陸厥

崔慰祖

王竣之

祖冲之

賈淵

南齊書卷五十三

列傳第三十四

良政

欽定四庫全書

南齊書
目錄

傅琰

虞愿

劉懷慰

裴昭明

沈憲

李珪之

孔琇之

南齊書卷五十四

列傳第三十五

高逸

褚伯玉

明僧紹

顧歡

臧榮緒

何求

劉蚪

庾易

宗測

杜京產

沈麟士

吳苞

徐伯珍

南齊書卷五十五

列傳第三十六

孝義

欽定四庫全書

南齊書
目錄

十五

崔懷慎

公孫僧遠

吳欣之

韓係伯

孫淡

華寶

韓靈敏

封延伯

吳達之

王文殊

朱謙之

蕭叡明

樂頤

江泌

杜栖

陸絳

南齊書卷五十六

列傳第三十七

倖臣

紀僧真

劉係宗

茹法亮

呂文顯

呂文度

南齊書卷五十七

列傳第三十八

欽定四庫全書

南齊書
目錄

十六

魏虜

南齊書卷五十八

列傳第三十九

蠻

東南夷

南齊書卷五十九

列傳第四十

芮芮虜

河南氏羌

臣

等謹案南齊書五十九卷梁蕭子顯撰子

顯事蹟附載梁書蕭子恪傳章俊卿山堂考索引館閣書目云南齊書本六十卷今存五十九卷亡其一劉知幾史通曾筆叙錄則皆云八紀十一志四十列傳合為五十九卷不言其有闕佚然梁書及南史子顯本傳實俱作六十卷則館閣書目不為無據考南史載子顯自序似是據其叙傳之詞又晁公武讀書志載其進書表云天文事秘戶口不知不敢私載疑原書六十卷為子顯叙傳未附以表與李延壽北史例同至唐已佚其叙傳而其表至宋猶存今又併其表佚之故較本傳闕一卷也又史通序例篇謂令升先覺遠述邱明史例中興於是為盛沈宋之志序蕭齊之序錄雖以序為名其實例也子顯雖文傷寒蹟而義甚優長為序例之美者今考此書良政高逸孝義倖臣諸傳皆有序而文學傳

獨無序殆亦宋以後所殘闕歟齊高好用圖識梁武崇尚釋氏故子顯於高帝紀卷一引太乙九宮占祥瑞志附會緯書高逸傳論推闡禪理蓋牽於時尚未能釐正又如高帝紀載王蘊之撫刀袞祭之郊飲連綴瑣事殊乖紀體至列傳尤為冗襍然如紀建元創業諸事載沈攸之書於張敬兒傳述顏靈寶語於王敬則傳直書無隱尚不失是非之公高十二王傳引陳思之表曹問之論感懷宗國有史家言外之意焉未嘗無可節取也自李延壽之史盛行此書誦習者數日就訛脫州郡志及桂陽王傳中均有闕文無從補正其餘字句舛誤如謝莊傳南史作詔從越舊此書作作越州崔懷慎傳南史作臣子兩遂此書作兩節者又不可勝乙今竄合諸本參核異同正其灼然可知者其或無考則從闕疑之義

馬乾隆四十六年五月恭校上

總纂官臣紀昀臣陸錫純臣孫士毅

總校官臣陸費墀

欽定四庫全書

南齊書
卷一

欽定四庫全書

南齊書卷一

梁 蕭 子 顯 撰

本紀第一

高帝上

太祖高皇帝諱道成字紹伯姓蕭氏小諱闕將漢相國蕭何二十四世孫也何子鄭定侯延生侍中彪彪生公府掾章章生皓皓生仰仰生御史大夫望之望之生光

欽定四庫全書

南齊書
卷一

祿大夫育育生御史中丞紹紹生光祿勳閔閔生濟陰太守闡闡生吳郡太守永永生中山相苞苞生博士周周生蛇丘長矯矯生州從事遠達生孝廉休休生廣陵府丞豹豹生太中大夫裔裔生淮陰令整整生即丘令雋雋生輔國叅軍樂子宋昇明二年九月贈太常生皇考蕭何居沛侍中彪免官居東海蘭陵縣中都鄉中都里晉元康元年分東海為蘭陵郡中朝亂淮陰令整整字公齊過江居晉陵武進縣之東城里寓居江左者皆僞

置本土加以南名於是為南蘭陵人也皇考諱承之字嗣伯少有大志才力過人宗人丹陽尹蕃之北兗州刺史源之並見知重初為建威府叅軍義熙中蜀賊譙縱初平皇考遷揚武將軍安固汶山二郡太守善於綏撫元嘉初徙為武烈將軍濟南太守七年右將軍到彥之北伐大敗虜乘勝破青部諸郡國別帥安平公乙旃眷寇濟南皇考率數百人拒戰退之虜衆大集皇考使偃兵開城門衆諫曰賊衆我寡何輕敵之甚皇考曰

欽定四庫全書

南齊書

二

今日懸守窮城事已危急若復示弱必為所屠惟當見強待之耳虜疑有伏兵遂引去青州刺史蕭思話欲委鎮保險皇考固諫不從思話失據潰走明年征南大將軍檀道濟於壽張轉戰班師滑臺陷沒兗州刺史竺靈秀抵罪宋文帝以皇考有金城之功手書與都督長沙王義欣曰承之理民直亦不在武幹後今擬為兗州刺史檀征南詳之皇考與道濟無素故事遂寢遷輔國鎮北中兵叅軍員外郎十年蕭思話為梁州刺史皇考為

其橫野府司馬漢中太守氏帥楊難當寇漢川梁州刺史甄法護棄城走思話至襄陽不進皇考輕軍前行攻氏偽魏興太守薛健於黃金山寇之黃金山張魯舊戍南接漢川北枕驛道險固之極健既潰散皇考即據之氏偽梁秦二州刺史趙溫先據州城聞皇考至退據小城薛健退屯下桃城立紫營皇考引軍與對壘相去二里健與偽馮翊太守蒲旱子忠力出戰皇考大破之健等閉營自守不敢出思話繼至賊乃稍退皇考進至峨

欽定四庫全書

南齊書

三

公山為左衛將軍沙州刺史呂平大衆所圍積日建武將軍蕭汪之平西督護段蚪等至表裏奮擊大破之難當又遣息和領步騎萬餘人夾漢水兩岸援趙溫攻逼皇考相拒四十餘日賊皆衣犀甲刀箭不能傷皇考命軍中斷輦長數尺以大斧槌其後賊不能當乃焚營退皇考追至南城衆軍自後而進連戰皆捷梁州平詔曰承之稟命先驅蒙險深入全軍屢克奮其忠果可龍驤將軍隨府轉寧朔司馬太守如故入為太子屯騎校尉